



Trg pravde 10, 76100 Brčko distrikt Bosne i Hercegovine; web: jt-brckodistriktabih.pravosudje.ba; tel: 049/217-227; faks: 049/219-088; e-pošta: jtb@jtb.ba
Трг правде 10, 76100 Брчко дистрикт Босне и Херцеговине; web: jt-brckodistriktabih.pravosudje.ba; тел: 049/217-227; факс: 049/219-088; е-пошта: jtb@jtb.ba

Broj: T18 0 KT 0015537 21
Brčko, 17.11.2021. godine

U skladu sa odredbom člana 35. stav (2) tačka h) i člana 226. stav (1) Zakona o krivičnom postupku Brčko distrikta BiH, p o d i ž e m:

O P T U Ž N I C U

Protiv:

V.Z. [...]

Što je:

Dana 31.07.2021.godine oko 14,20 sati, na lokalnom putu Ražljevo-Mrtvica, zaseok Posavci, Brčko distrikt BiH, upravljajući radnom mašinom kombajnom, marke „Zmaj“, registarskih oznaka ..., vlasništvo Z. S., za koju nema važeću polisu osiguranja, a kojoj je bilo pridodato neregistrovano priključno vozilo nepoznate marke i bez registarskih oznaka, i krećući se iz pravca Ražljeva, u smjeru Mrtvice, pa je olako držeći da zabranjena posledica neće nastupiti, suprotno odredbi člana 55. Zakona o osnovama bezbjednosti saobraćaja na putevima u Bosni i Hercegovini, propustio da prilikom prolaska pored zaustavljenog i dijelom sklonjenog vozila marke „BMW“, tip x7, registarskih oznaka ..., vlasništvo Isoteam Isoliertechnik, a kojim je upravljao Đ. D., te da zauzme bezbjedno bočno rastojanje u odnosu na lijevi bok navedenog vozila minimalno 10 centimetara, radi njegovog propuštanja, pa je tako najisturenijom tačkom na prednje-lijevom i bočnom dijelu kombajna konkretno metalnim stepenicama za ulazak u kabinu istog preko prednjeg lijevog točka, udario u prednje lijevo vozačevo ogledalo na vozilu BMW, a zatim i zadnja lijeva vrata, zadnji lijevi blatobran, pneumatik zadnjeg lijevog točka i lijevi krak branika, na koji način je pričinio štetu na vozilu u vrijednosti od 10.331,15 KM, da je vrijednost vozila „BMW X7“, proizvedenog 2020. godine na dan nezgode iznosila 137.354,10 KM,

dakle, kao učesnik u saobraćaju na putevima koji se nije pridržavao saobraćajnih propisa, iz nehata, time tako ugrozio javni saobraćaj da je doveo u opasnost imovinu većih razmjera, pa je zbog toga kod drugoga nastupila imovinska šteta preko 5000 KM,

čime je počinio krivično djelo – Ugrožavanje javnog saobraćaja – iz člana 326. stav 3. u vezi sa stavom 1. Krivičnog zakona Brčko distrikta BiH

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
